


館課

三月下旬



門生熊齊鶴


蕭曹丙魏相業評

評相業者、綜其功名之成敗、富貴之始終、創與守之各互、恬  
若競之殊致、以為曹不如蕭、魏不如丙、由來舊矣、顧予博覽  
史記畧其事行之衆著者、而律以古格心之道、其優劣當何  
如也、蕭曹同高帝崛起、助成創業之功、丙魏佐宣帝中興、輔  
理繼治之盛、俱材智過人、絕遠、然其為相也、貴審其君心之  
所偏勝者、而救將救之、漢承焚滅、詩書之後、高祖馬上定天  
下、輕儒、嫚罵、其素性也、何於此時、宜招集老成、遺逸、購求  
亡書、討核故典、庶幾三代禮樂文章之盛、以救其戰國偏

霸之習也。乃挾書之律卒不聞其即除而學校之立闕焉。故  
 雖以高祖謬達寬仁之實而仁義詐力雜然並用漢治之所  
 以不古若者未必非何之過也。惠帝以仁柔繼立母后擅威  
 福久矣為參者宜以剛方果毅佐之以陰折諸呂睥睨之奸  
 而乃托言與民休息致以酣歌廢事母亦畏呂氏之偏而委  
 蛇以避禍者歟。若丙吉以獄吏起家累致相位當時稱為  
 寬厚長者宣帝來自民間繼孝武雄材奢侈之弊亦宜如  
 高祖謬達寬仁救之也。故帝來自民間不患其綜核之不至  
 而患其寬大之未足。卒之霍氏族滅丙吉獨未聞有以曲全之

說救止玉心之過義何哉。魏相處綜核名實之朝而復佐以  
 刻深中傷之計論殺廣漢故孝宣諦為中興而漢室之元氣  
 不少有削焉相實有以啟之也。然何以托閹轉鈎固國基於  
 不拔而及闕收取圖書具知天下阨塞使先王之載籍不至  
 燼而漢世學校有本矣。參以戰功稱而為相法師清淨使民  
 得已離凶秦之煩苛而安興漢之畫一吉不問錢穀而憂牛  
 喘於陰陽燮理之責果窺見其旨乎。魏相條上封事可謂  
 責難於君者矣。要而論之四相於格心之學道葉未之聞而救  
 時之材亦各有其長焉。未可同年語也。至曹參之材不及蕭

何魏相之量遜於丙吉評相業者詳矣



何德之人心也

